


文
機

卷五



總制浙省文檄目錄

第五卷

申飭學政

禁飭漕弊條約

飭緝盜賊

禁焚燎山林

計冊竣事飭勵官箴

移請鄰省開糴通商

申飭計處候議各官

再禁虧累行戶

飭沿海招集遷民稽察透越

勸捐輸修塘

招撫遷民

申飭營伍討論軍實

再勸捐修塘工

再禁舖行當官

誠飭沿海文官

誠飭沿海武官

曉諭沿海時政

嚴督追捕盜賊

緝拿土棍

查議清楨招墾田地

移畱撫院

移詢江南採捕始末

捐米賑濟饑民

停訟緩徵

勸諭慎防火燭

申飭夜巡保甲

驅逐遊手棍徒

曉諭攀留 撫院士民

又移留 撫院

再諭攀留 撫院士民

又移留 撫院

誠諭修省

整頓沿海陸師

訪拿指詐奸棍

飭催編審

申飭實勘災傷

再飭城門官兵

移復 撫院具 題秋審重囚

勸諭息訟

總督浙江等處地方軍務兼理糧餉兵部尚書
兼都察院右副都御史加從一品劉 爲申飭
學政事照得該道職掌衡文奉有

專敕一切學政事宜俱聽次第舉行惟是兩浙素號
劇省士風頑馴不齊其間雅修自好者固不乏
人而躍冶踰閑者當亦不少近日

功令森嚴首重抗糧之禁次之如包攬錢糧興滅詞
訟稱頌官府出入衙門捏造誹謠聯盟結社武
斷鄉曲賭博邪淫凡係非分苟營之事均屬干

各犯義之條本部院於上年下車時已有申飭
士風禁約矣今諛道考較伊始合行申飭爲此
牌行浙江提學道照牌事理卽將從前通行
部文各則例及本部院條約事宜逐一檢查遵
照嚴行各屬飭查生員貢監如有逋抗錢糧者
立行拿究比追一面通詳

各部院照

新例重處其劣矜害民犯法蔑理者分別處治如情
事重大者仍通報叅問施行所至巡行考較郡

邑務將行過事宜賞罰過優劣取錄過生童逐
一呈報本部院以備考核如遇有學宮頽廢應
修葺者祭器零落應整治者一面呈報一面竟
行料理其教職官員有溺職廢事者廉實揭報
以憑叅處俱勿違誤至於考試定例取士額數
原有

部頒規則事屬諛道專司本部院所不預也先
具遵依報查

具數亦詳查

將承賦限申款結並詳以次酌量酌入以昭

及悉然其外

皆係其始

以

已

邑

禁飭漕弊條約

為禁飭漕弊事照得浙省漕糧徵收起運其中

弊害多端屢准

部行條議節奉

嚴旨申飭炳如星日即本部院蒞任以來稔知漕弊

叮嚀告誡不啻再三無如向來不肖官役與刁

軍積蠹朋比作惡怙終不悛當茲水澇為災小

民終歲勤勞秋收大半無望本部院愛民有心

撫綏鮮術豈容貪婪蠹弁無窮剝削除攄糧驛

道詳議疏漕各款已經批飭力行去後合再摘
禁爲此示仰闔屬官吏軍民人等知悉今年漕
糧經收經運各遵本部院後開條約務期洗滌
舊日肺腸立祛從前錮弊本部院自有鑒察倘
愍不畏死仍蹈相沿故轍一經訪聞告發本部
院惟有仰遵

功令立將官弁飛章叅究軍蠹嚴拿處死斷不食言
其各凜之慎之

計開

一徵收糧米近例八月開倉九月徵收十月
告竣十一月交兌但查漕糧俱係晚禾九
月未盡登場且今歲水潦之餘尤爲後時
見據糧道詳議寬比一月批行去後今本
部院再一酌定徵收之法除見在開倉聽
民自便有米者先行上納糧官不得嚴勒
限期差人提比自十月十五日起至十二
月初五日止此五十日內分爲十限每一
限定納糧米各作一分責成糧長分催各

甲花戶令其照分數依限完納諛縣印鈐
串票交發糧官每至一限將所納之米實
填收數交糧長收執如諛糧長催徵之米
已經全完卽令歸農肄業不必復至縣倉
承值如糧官不給串票及糧米全完復又
指畱者許諛糧長赴糧道衙門稟明究報
以憑特叅至糧米限內完納不及分數止
許出票交糧長拘齊欠戶聽比倘有豪強
頑戶抗不依限交納方令差人提追不得

一 概濫委胥役下鄉騷擾需索亦不得端
比糧長一人致滋苦累如違定行叅拿究
治

一 漕糧正米并進倉二五耗米每石貼截銀
三錢七分六釐四毫徵給之外竝無絲毫
加派前聞不肖官蠹將一五耗米一概貼
截更且巧立名色額外私加已經本部院
另示嚴禁外但截銀俱係給軍製辦船內
什物沿途起淺由閘并水手工食等費原

屬零星使用今大膽奸胥藉口傾鎔成錠
又以重等勒收私加火耗計每正耗米一
石約完截銀四五錢不等小民苦累更甚
嗣後印官徵收漕截另設一櫃銀色期於
紋銀而止如有零星成塊聽其自便不得
假手胥役私加重等強索火耗敢有故違
本部院密訪得實官卽先拿後叅役卽立
斃杖下

一百姓完糧各照本戶下應徵之數赴倉上
納有何使用無如一班巨惡積棍盤踞倉
廩名爲倉歇倉甲串通府廳縣糧衙人役
有米一石上倉必勒數十項使用如心紅
分例抽豐飯米看廩出兌做斛張袋等項
種種名色衙役借倉蠹爲援引倉蠹藉衙
役作生涯百般刁指稍不遂欲非云米色
不堪正耗之外又復加耗卽云糠粃不淨
篩颺之後又復篩颺且踢斛淋尖多量少
報更致糧米露處不肯入廩際此隆冬寒

月雨雪風霜經旬守候鄉愚飲泣吞聲有口莫訴惟求速爲兌收那惜諸般使用使小民有不得不用不敢不用之勢言之殊堪髮指除見在密訪拿究從重追擬外嗣後倉歇倉甲名色盡行革去如有惡棍巧換名目仍前包攬說合魚肉鄉民者或訪實或告發定行嚴拿處死仍將監兌官與諛縣印官以縱蠹叅革在爾糧里亦不得仍投此輩聽其簸弄自貽伊戚

一官收官兌原不許軍民見面民間上納旣照倉斛管糧官兌收入厰則爲官米非民糧也此後兌米上船或有盤折或有虧少皆責成收受之糧官自與糧里無涉在橫軍旣無見在愚懦之糧長可以肆其刁難又何所施其勒索之計近則陽奉陰違每當出兌之時仍拘糧長與旗軍親行交受從中設局打合仍係倉歇倉甲等棍搖唇弄舌需索糧里張筵設席謂之講兌或每

石索米四五升銀四五分不等謂之私貼
若一日講兌不定則米一日不兌米一日
不兌則一日之丁棍酒食費用無不出之
糧長迨至私貼講定方始開倉受兌則又
指以米色不堪勒加淋尖踢斛將糧船故
意不駕赴次止雇覓小船撥送上之領幫
官有禮次之隨幫官有禮再之運丁有禮
以及攔頭拿舵綱司水手無不有禮不飽
不饜嗟哉糧長始則受官蠹之詐害繼則

遭弁丁之橫索捶髓吸膏真爲可憫嗣後
收糧責成糧官驗其米色果係乾圓潔淨
隨到隨收收完卽刻給票歸農倘臨兌有
不堪米粒兌少缺數是諛管官看驗不實
稽察不嚴竟令糧官賠補至於交兌應責
成諛縣印官弁監兌官同諛衛所領運官
公同驗明米色照依倉斛量準卽令糧船
水手人等搬運上船旗軍止令在船司管
收數總不許一人赴倉恣其咆哮需索倘

有故違如前所指種種諸弊或本部院密查得實或被害糧里告發定將弁丁立時鎖拿先按漕法細打仍行特疏叅究監兌印糧各官有仍拘糧長當面交兌者一併題叅重處決不姑恕

一各衛所每幫設領幫官一員押運北上其本等職分除監督糧船不許中途遲滯及稽查侵糧盜賣等弊外凡有刁軍橫索欺凌糧里亦應領運官嚴加約束今則利慾薰心不惟不加鈐束抑且串同詐索丁則爲官講公費講分例講酒席官則幫丁詐私貼詐使費詐加耗猫鼠同眠交通庇護幾於不可方物且聞僉選一定全單到手擇幫中殷實及頭船運丁設席款待先爲下交搖尾乞憐求其幫襯法紀掃地一至於此今後兌糧之時領幫官親督各丁前赴水次會同該縣印官及監兌官公同開倉照斛交兌上船截銀親領分散不許一

軍一丁赴縣赴倉強索絲毫顆粒如再約束不嚴通同婪詐一經監兌官及印糧官揭報定行軍法重處仍特疏叅拿治罪不貸

一旗丁敢於肆橫勒詐皆由領運之官不嚴立兌期以致漕船臨次刁軍多帶親從開筵講兌每至十餘日委決不下小民守候無期只得隱忍加贈方始開斛前據糧道詳議行令各縣增置官斛進厥出厥便於

隨到隨斛今本部院再酌定兌期如糧船一到水次該縣卽刻通報開明某衛所領運官帶領某丁船於某日某時到次卽於是日會同本官開倉驗明米色較斛開兌訖定以五日兌足每一日一報將兌收過米數漕截行月等項俱於五日內交明立驅開行如五日內銀米俱已交完至第六日該幫開行與不開行亦必報明以憑查考倘有故違定限延捱觀望者本部院將

印糧與領運各官弁照縱蠹婪贓例叅處
不恕

一欲絕倉蠹旗丁詐害之弊必先窮扣剋需
索之源夫倉蠹敢於公然勒索旗軍敢於
恣肆詐害皆緣上下官役牽鼻染指故敢
任意橫行往聞耑管諛管各衙門若大若
小是官是役無不箕歛瓜分一遇開徵之
時先向倉中講定分例官則有公然起批
具揭呈送者亦有借稱慶賀等項名色餽

遺者役則有承行有諛管有堂衆有後手
有小禮各項名色而總其名曰倉規更有
廢紳劣衿指稱公費譌詐分潤者若運糧
旗丁有頭船扣通幫之使費頭腦勒按年
之陋規以及領幫隨幫經承胥役無不有
一定分例而總其名曰年規至於放散錢
糧又有一番除頭扣剋彼此分肥是軍蠹
以爲上下均有浸潤卽或發覺自然狗庇
故自恃無恐益加橫行除密訪叅拿外嗣

後前項弊端責成各府監兌官親行稽察
如監兌官交通徇隱糧驛道嚴加覺查卽
行揭報以憑叅拿不恕若道廳通同不舉
本部院訪聞得實誓必一體叅究決不姑
貸

一漕糧項下錢糧項款雖分總不過百姓完
納往聞貪官濫差滋擾分行月本折輕
齋席木灰石經費等項每一事則有一票
每一件則有一籤印糧官坐催坐里以及

道差府差廳差約計不下數十起終日支
持差使何暇催糧辦課嗟此三空四盡之
時奚堪如許剝削今應將漕項錢糧分晰
某項額徵若干每畝總計共該應徵若干
合計一甲內共該應徵若干開列明白酌
立限期交糧長分催依限完納如限內不
完糧長拘齊欠戶聽比若真有豪強頑戶
不服拘比者許糧長呈明該縣嚴提究處
不得濫差一人縱容索詐如違定行叅拿

斷不姑息

一漕運之壞有一種積惡光棍卽係本衛所之軍盤踞其中自恃家藏金穴結交匪類無惡不爲名曰漕蠹深知本衛所某軍殷實某丁素封每至僉點之時唆報諛管官勾補運糧蠹復從中打合嚇詐多金爲之買脫及至真正僉運之人仍係窮軍無可幹辦只得承值蠹又爲之料理運務凡船中需用代爲營運沿途起剝過閘等費代

爲應發勒其重利欠票約至冬間運回復領次年行月截頭等項銀米之時將本利盤算盡行扣除皆歸漕蠹之橐以致年復一年運軍愈窮愈橫小民愈受荼毒更且號召衆軍挾制本管嚇詐良民是以本衛所官弁無不仰其鼻息除見在密訪嚴拿處死外今後若輩不改前非仍行肆惡糧道及諛衛所掌印領運各官卽行據實揭報以憑鎖拿盡法重處倘諛管官徇情庇

護不行舉首或經本部院訪實或被害告發將本衛所諛管官一併叅究不貸

一漕船例係冬兌冬開向來過淮愆期押運官弁俱罹叅罰蓋因回空船隻濡滯或置買貨物或攬載官商以致沿途逗遛凍阻外河至次年正二月內方得旋省修艙受兌開行業已逾期回空愈至遲悞嗣後京通二倉交糧一完押運通判即便嚴令隨幫官星夜飛饋務於九十月內俱令到齊

如再逾限故意延挨有悞兌期者立拿隨幫官嚴行重處

一浙省造船工料額定二百八十三兩零又有舊船底料貼用共約三百餘兩自應打造堅固渡江過閘始無損折之虞今則廠匠人役俱係一班光棍年年央情包攬冒用錢糧剋剝工料每造船一隻必勒運丁貼廠銀二三百兩竟將額給船料錢糧侵吞肥己所造之船半俱舊物新加之料薄

文獻
卷五
西
朽不堪以致窮軍每年修船受累大半疲
困於此除見在差官查驗并密訪作奸厥
匠重處外嗣後造船需用木植灰蔬釘油
等項務期實用不得徒事粉飾以朽腐物
料塞責如本部院差官臨廠查驗仍係不
堪經久運載者立將督造官及廠匠人役
一併究罪追贓不饒

一今日民窮財盡極矣終歲胼胝之勞盡被
洪水漂沒卽有些須收穫亦不過勉完正
供而已今訪有一種土豪自恃多金爲富
不仁每於四五月間乘窮民插秧之際廣
放生米計米一石約至冬間勒取一石四
五斗或銀債數多逼令田地作戲每年包
完租米若干當此皮骨僅存完納未免後
時豪棍斷不肯少爲寬假或將利銀推作
截頭餘租推作官糧唆聳糧官百般逼勒
更有一班廢紳劣衿每至徵糧時索取陋
例倉蠹公然粘單科派彼此分肥毫無廉

耻嗟此災黎何堪當此窮奇之剝削示後
各發良心恪守法紀將剋剝肺腸從新洗
滌敢有愆不畏歿仍前肆橫盤索者本部
院察訪得實立行嚴拿盡法重處

飭緝盜賊

爲嚴飭緝盜安民事照得弭盜安民乃地方文
武專責本部院飭行保甲嚴督夜巡已不啻三
令五申矣夫何城守印捕等官一味諱盜養癰
虛應故事凡遇民間失盜威勒事主捏強爲竊
卽使大夥明火傷人者猶以暗進明出竊賊拒
捕爲辭至于穿窬小偷之輩失主具呈概置不
理殊不知緝盜之

功令最嚴地方若有強盜生發自當遵例報叅一面

嚴緝務獲如係穿窬竊賊亦應追捕人贓按律治罪不容少有寬縱乃今日各官病根只畏失事叅罰之嚴罔顧民間被劫之苦既已立定主意諱強爲竊則凡強盜已獲者勢必輕擬徒杖發落強盜未獲者勢必因循縱使脫逃彼狡黠之盜誰肯自罹大辟亦勢必迎合官意招認爲暗進明出竊盜臨時拒捕以恣其漏網之奸矣馴至民間被盜是強皆竊是竊皆可付之不問間有失主隣佑強項不服者又巧爲刁難以羅

織陷害之或妄加刑責或勒詐錢財或解審遠處以致百般拖累失賊遭官莫可告訴是猶人家豢養守犬不能吠賊止工噬人試問諱盜之官清夜自思不知尚有心肝否耶言之真堪髮指近聞城內一坊竟有三四家同夜被竊者俱係賊徒四五六人暗藏火械預爲暗進明出之計及至失主具呈印捕官竟以竊賊不行追究則奸宄橫行民無安枕可勝道哉除本部院見在密訪處治外合再嚴飭爲此示仰地方官民

人等知悉值此寒冬天道務須各嚴保甲禁止
夜行毋使盜賊乘隙窺伺倘有疎虞不諱之事
失主卽行據實報官若係強盜諛印捕城守等
官一面通詳上司以憑照例

題報一面嚴督兵捕追緝真盜務在必獲若係竊
賊亦應責着捕役勒限比緝人贓按律治罪敢
有仍前諱盜爲竊威壓失主及竊盜事情不行
追究縱容捕役賄放賊徒者許被害直書真情
赴本部院轅門喊冤控告查審得實定將諛管
各官特疏叅究作奸兵捕立拿處死斷不輕貸

禁焚燎山林

爲飭禁事照得山陵樹木風水攸關從來焚林
有禁乃今竟有強橫棍徒以及無知樵牧每於
臘盡春初縱火燒山當木乾草枯之際星星一
炬遂成燎原蟲蟻草木盡爲傷損甚至窮民草
舍或被延燒野露屍棺亦遭化燬有害無益殊
屬多事合行嚴禁爲此牌行各府照牌事理卽
便通行所屬大張告示嗣後地方除猛虎惡獸
爲害人民者止許設筭張網責令獵戶捕捉此

外不許借名圍獵縱火燒山敢有仍前違禁焚
林致燒房屋墳墓棺槨者無論兵民人等許地
方里甲居民拿赴有司重責枷示不得輕貸先
具遵依報查毋違

計冊竣事飭勵官箴

爲飭勵官箴事照得

朝廷設官分職爵秩雖有崇卑其當潔已愛民奉公
守法則一也頃者三年考績本部院與

撫院會同較核悉秉至公業將劣蹟各官露章
糾叅分別冊處內除應提問者卸事候勘外其
餘有議屬員例當聽候

部議處分若稱職平常者自應照舊供職但此
計察大典雖云懲戒既往實乃飭勵將來誠恐薦舉

無議各官謂計冊已定罔慎初終有議各官謂
已破之甑不妨敗檢又委署各官謂五日京兆
恣其漁獵棄官箴而墮職業在常情有所難免
然不知察典雖竣吏治當嚴此後若變節冥行
者仍有不時糾勅在也合行通飭爲此牌行藩
臬二司各道府即便移行僚屬大小各官凡見
在任事之員居官一日卽有一日地方民社之
責稱職者自宜益勵初心平常者尤當愈加策
勉卽有議候代者遷謫升沉固仕途之常理亦

宜加意修飾日後功名未可自限至於署事者
舊有權官如刦之諺斷不可自蹈法網噬臍莫
及本部院聞見甚確執法無阿倘稍有邪僻賂
彰者一經訪實定卽不時特疏叅問決不姑息
苟容其各凜之毋忽

移請隣省開糴通商

為隣郡閉糴米價一時騰湧亟請通商保救災
黎事據浙江湖州府申詳前由到本部院據此
除批仰候移咨

江南督撫部院轉飭繳批行去後為照今歲浙
省水災湖屬為甚先經本部院會同
撫院

題報災傷及請蠲條餉改折漕糧酌量賑濟俱奉
俞旨遵行又經會委分守杭嘉湖道親臨諷郡設廠

煮粥賑濟饑民各在案今據湖州府詳稱近來
廣德蘇松等處禁止買運遏糴不通以致米價
騰湧運商裹足詳請移咨前來竊以災民望救
甚殷隣封緩急宜濟雖地方官民或以彼此區
分在
貴部院饑溺由已之懷當不以疆域異視也今
據前因合亟咨達爲此合咨
貴部院煩請查照希卽檄行蘇松廣德等處通
商接濟以救災黎仍祈見覆施行

申飭 計處候議各官

爲再飭

計處候議官員以勵職守事照得

計察官員除貪酷不謹等項贓款例應候

旨提審外其餘處分各官分別休致降革有差內惟
浮躁不及二項

部院考核之後俱准降級調用是懲其既往怠
竄之失猶開其日後自新之門也誠恐未經離
任之前灰心破甑不自檢飭在從前止於不稱

厥職乃因

計察候議而反恣其貪縱不法者有之殊不知守土
一日卽有一日地方之責諸凡徵收錢糧消弭
盜賊檢束衙役稽察逃人等事俱當一一照常
奉行庶幾盡目前之職守收末路於桑榆亦不
負

朝廷與上臺使過之典合再嚴飭爲此牌行各縣照
牌事理務須洗心滌慮謹循乃職聽候
部院核議文到之日另行知照定奪倘有貪婪

敗檢諱盜縱役疎迤不法等事犯諛革職或犯
諛提問罪名者本部院耳目最近察訪得實定
行特疏補叅從重究處斷不因

計察止於降調竟置

計後劣蹟於不問也此係本官日後功名之路萬勿
泛視自貽伊戚致貽後悔未便

再禁虧累行戶

為嚴禁見任官員虧累行戶之弊以甦民困以
勵官箴事照得各衙門日用物件不許無價白
取不許短價累民久經奉

旨嚴禁本部院亦屢次申飭在案無如法久玩生訪
聞上年歲逼之時竟有見任文武官員仍蹈前
弊或指稱當官承值或任意虧短物價僉發小
票名雖候找實則無償以致奸狡牙行科派散
戶差取衙役恣肆需求嗟此逐末買民以有限

之貲本供無窮之擾累在豐稔年時尚且難堪
况當民窮財盡之候乎悖

功令而剝民膏隳官箴而喪廉耻莫此爲甚除本部
院現在察訪得實另行叅究外合再嚴禁爲此
示仰各衙門官役及地方買民人等知悉嗣後
官府所需日用物件無分布帛米糧柴炭心紅
紙劄雜項一切動用等類俱要現發紋銀照依
市價按數平買不許仍前白取短價虧累舖行
敢有故違禁約擅立當官名色及虧短價值發

票除取指勒不還者許被害行戶扭執差人籤
票竟赴本部院轅門據實呈稟以憑究審明白
將本官立行叅拿照貪贓例追擬治罪其衙役
藉差需索牙行箕斂尅衆者一併按法重處斷
不輕貫其各體諒凜遵毋得忽視

飭沿海招集遷民稽察透越

為欽奉

敕諭第一本條議稽禁奸民通海機宜事照得寧紹

台温等府為濱海巖疆最稱險要今者外有遊

寇未靖內多奸宄潛生兼之新奉展界墾荒招

徠流遺初集防範更宜嚴愆是以本部院特疏

條議海邊派船巡哨以禦賊船窺伺內地編立

保甲以杜奸民透越沿海無主田地撥給窮民

開墾官給牛種籽粒安插得所以靖出海之源

等因俱奉 旨 諭 欽 遵 在 案 所 有 招 徠 開 墾 編 立 保 甲 等 項
俞 旨 通 行 欽 遵 在 案 所 有 招 徠 開 墾 編 立 保 甲 等 項
事 宜 復 經 節 檄 知 照 又 會 同 撫 院 提 督 列 款 刑 示 分 發 曉 諭 去 後 是 立 法
撫 院 提 督 列 款 刑 示 分 發 曉 諭 去 後 是 立 法
不 爲 不 嚴 申 飭 不 爲 不 備 凡 有 守 土 之 責 者 自
宜 實 力 奉 行 豈 諛 道 府 視 爲 故 套 竟 置 膜 外 迄
今 許 久 未 據 道 府 將 行 過 事 宜 詳 報 封 疆 謂 何
職 守 謂 何 而 容 怠 玩 若 是 殊 不 知 海 禁 之
功 令 甚 嚴 一 有 奸 民 透 越 地 方 失 察 文 武 均 干 參 處

故 編 立 保 甲 安 插 窮 民 不 特 爲 濱 海 地 方 之 計
亦 爲 守 土 各 官 之 計 也 獨 不 捫 心 一 思 必 欲 故
違 貌 抗 迨 至 臨 事 周 章 始 知 爲 今 日 要 務 爾 時
雖 悔 恐 無 及 耳 合 再 飭 催 爲 此 牌 行 沿 海 各 道
府 查 照 先 今 事 理 卽 便 嚴 行 所 屬 速 照 原 行 事
宜 凡 沿 海 居 民 無 論 城 市 村 庄 浦 畧 等 處 逐 一
編 立 保 甲 并 將 展 界 田 土 速 行 招 徠 開 墾 復 業
之 民 設 法 安 插 亦 卽 逐 戶 照 例 編 立 仍 查 所 屬
自 展 界 之 後 招 徠 民 人 若 干 開 墾 田 地 若 干 給

過籽粒若干應扣至某年起科遵照前檄逐一
備細造冊迅速呈報以憑查核諛道府務以實
心力行實政萬勿聽憑下屬虛捏朦混潦草塞
責本部院巡歷沿海在即所到地方必親行密
訪查勘卽以某縣編立保甲曾否實力遵行有
無遺漏戶口招徠民人實有若干開墾田地實
有若干有無透漏滋弊等事果能一一舉行則
係實心任事之良吏如或逡巡怠玩諸事廢弛
則係怠竅之劣員盡職者紀功獎薦溺職者待
到三日內報查速速

疏

題叅各宜凜遵毋貽伊戚仍將行過事宜的限文

勸捐輸修塘

爲勸諭捐修塘工事照得北新關外至塘樓一帶塘路傾圮本部院身親目擊倡議興修幸文武各衙門以及鄉紳士民人等各有捐輸自上年至今稍有成緒但估計工程約費四萬餘兩目前捐輸僅止十分之一將來需用正殷若非衆發善心共成義舉萬一中道卽廢殊爲可惜卽如行商一項全在風水順利假使重載往還經由此地或遇雨風間阻檣帆不便篙櫓難施

必假人力挽拽方能利涉前進 以此官塘坍塌
保無擔心濡滯之虞乎且因果之說能施獲報
理數必然與其祝心願於神祇 何如作眼前之
功德計自倡修塘工以來聞巨商捐者絕少本
部院於此蓋不能已於言也合行勸諭爲此示
諭所屬鹽商知悉凡係賫本行鹽之人不論本
利厚薄不拘道里遠近悉聽情願捐輸多者固
見其好義樂施之心少者亦勉盡衆擎易舉之
意或銀或錢或米或石或一次不能則聽先捐

若干續俟盈餘之時再爲量助諛運司仍傳諭
爲首商人置立募簿倡率其事若有捐收若干
數目卽付僧人聖生及首事施國賢處交受明
白刻石誌名用垂不朽此係本部院爲爾地方
行利濟之事若稍有勉強難色則非所願聞矣
其各勉之毋負本意

招撫遷民

為遵

旨招撫遷民以廣

皇仁以靖邊海事照得

皇清定鼎三十年以來海宇昇平外方賓服今

皇上勵精圖治尚德緩刑此曠古極盛之休風也獨

有臺灣遺孽負固恃頑偷生旦夕在

國家視之不過釜魚几肉耳惟念遷播之民或以

流移失所或以饑寒無歸力竭計窮逃亾島嶼

原非甘心從賊之比雖其中亦有田地可耕淡水可飲然而棄置墳墓拋撇親朋生爲化外之人死作漂流之鬼思之殊堪憫惻是以

皇上特准本部院等所請許以招撫聽其自新凡屬悔過來歸者俱令安插得所若有執迷不悟者盡行剿滅誠恐爾民無知合行遍示曉諭爲此示仰各島流移百姓人等知悉今本部院調發鎮將水師船隻盛張軍容巡行海上凡有從前遷遣無歸潛身島嶼之人不論老幼男婦俱於

示到之日卽刻前赴軍前報明姓名籍貫各攜眷屬上船投歸卽與帶入內地聽憑擇便居住仍准撥給地土官給牛種五年之後方纔起科其已往一切過犯盡行赦免永爲盛世良民子子孫孫長享太平之福若或觀望耽延抗拒躲匿是與賊孽無異本部院已預飭兵將凡有不肯投歸者盡行剿殺不畱遺種爾等試思順生逆死何者爲便及早抒誠免貽後悔卽或漏網一二想窮洋絕島之中衣食無資勢必疲敝而

死彼時號天無路雖欲投歸不可得矣此係
朝廷好生大德本部院等仰體至懷故爾先撫後剿
爾島嶼中有老成通曉事體者作急遍傳勸諭
勿辜來意自取絕滅思之慎之至囑至切

申飭營伍討論軍實

為申飭營伍以討軍實事照得兩浙山海要區
隣孽尚未消弭伏莽時或竊發所藉以固疆圉
而資戰守者惟兵力是賴案准

部文營將不許將家人廝役冒佔食糧以致營
伍空虛又不許將應給官兵糧餉扣剋肥己違
者叅拿治罪俱經屢次嚴飭在案惟是所屬將
弁奉法惟謹者固多而陽遵陰悖者亦復不少
今本部院東巡在即務必親臨營伍討論軍實

合行預先飭知爲此照會各鎮弁牌行各協營
卽將諛標營見在經制官兵馬匹戰船軍火器
械衣甲旗幟等項逐一整頓齊備聽候不時查
驗兵馬務須足額軍器務須整固戰船貢具務
須完全如果兵士精壯技勇優長隊伍行陣有
方步武止齊得法本部院較閱得實將官紀功
聽候薦獎千把頭目聽候優缺拔補此軍政勸
勵之典務必實行決不相誑倘或營壘不繕器
甲鈍敝或以老弱病廢充數或以家人廝養佔

糧本部院查驗是真輕則記過戒飭重則特疏
糾叅斷不稍有寬假至于官兵糧餉絲粟皆

朝廷金錢小民膏血必使足食足兵方能竭力用命
如有不肖將弁指稱陋規公費製造禮節等項
名色擅扣月餉者除本部院密行察訪外仍許
被害目兵指名摠實首告以憑發問叅拿按贓
追擬若本部院巡歷所過減從輕身諸物自備
倘有假借迎送下程收拾旗仗等項科斂扣剋
剝害兵丁者一體訪實拿問治以大法決不姑

狗諛鎮將仍通飭所屬將弁着實遵奉施行

再勸捐修塘工

為勸諭捐修塘工事照得北新關外至塘棲一帶塘路傾圮本部院身親目擊會同

樞院倡議興修幸文武各衙門以及鄉紳士庶人等各有捐輸自上年至今稍有成緒但估計工程約費四萬餘兩目前捐輸僅止十分之一將來需用正殷若非衆發善心共成義舉萬一中道而廢殊為可惜大抵捐施之道富者好施必能獲報貧者能施其功尤倍當此世路艱難

時年荒歉之際捐貲固非易事但有餘之家往往專心神佛殊不知修橋砌路與造寺塑像之功相等至於不足之家或抽廚頭之米或積樸滿之錢多寡隨意何莫非眼前功德也合行勸諭爲此示仰地方諸色人等知悉凡有情願捐修塘工者不拘數目多少或銀或錢或糧米或木石各里甲中推出爲首一二人置立募簿隨便書寫捐輸積有若干卽交付潮鳴寺僧人聖生及武林門外甘露茶亭首事施國賢處彙收

明白其有不肯捐輸之人與無力助施之人不必假借院示一概相強致生事端至爲首募寫之人尤須秉公誠實不得藉此漁利自取譽責又聞向有義民陳光祚陳烈及僧人本如先曾同修塘路并此外若有好義衿民僧道人等能分任募修三里五里十里者悉聽自認協同興工卽與首事無異工完之日鐫碑紀事各列姓名其塘石之上俱鑿捐輸名氏永垂不朽誠利濟之勝舉也若本部院身在地方不過爲爾地

方人代籌興廢舉墜之一端他日任滿而去於
我何預焉倘不能相諒稍有勉強難色則非所
願聞矣

再禁舖行當官

為嚴禁舖行當官之弊法在必行事照得行戶
當官承值屢經本部院嚴示禁約近又經
部科條奏奉

旨通飭在案無如各衙門積習相沿不知省改凡屬
日用飲食器具布帛等項無物不有承值無日
不取當官在不肖之官狐假之役自是恣意妄
為又聞省城各有行頭一項每每科派散戶預
積堆金名為伺候當官充用實則希圖苛斂肥

囊以致逐末賈民竭辛力于蠅頭不足供貪饕
之狼吻流害無已言之痛心除見在密訪叅拿
外合再嚴禁爲此示仰所屬官役行戶人等知
悉嗣後文武各衙門需用物件務須恪遵

功令俱發現錢紋銀照依市價公平買辦不許仍前
妄立承值當官名色擅向鋪行恃強白取尤不
許短價低銀發票掣籤先給半價餘候找還等
弊敢有故違許被害鋪家或執拿籤票差人或
將原票收執竟赴布按兩司衙門指名稟告審

實解赴本部院軍前定將本官以貪贓題叅衙
役立行處死斷不輕貸至于省城積年行頭包
攬當官科斂銀錢物件等弊示後永行禁革敢
有仍踵陋習尅衆害人者許各散鋪指名據實
首告以憑嚴拿作奸行頭重責四十板枷號兩
個月示衆滿日仍行發問追贓治罪決不姑寬
本部院法在必行各宜凜遵慎勿故犯

誠飭沿海文官

為誠飭文官恪守職業以安民生事照得沿海地方前此定界遷民間閭困瘁已極茲幸奉

旨展邊復業正小民咸慶更生之會亦職官加意撫綏之時也頃本部院巡轍所臨接據士民條陳加以留心採訪大抵保舉稱頌之陋套比比皆然而因循溺職之有司在在不乏除擇其尤者廉得實蹟叅拿示儆外所有目前時弊亟須釐剔合行摘飭誠諭為此示仰所屬文職官員及

衙役士民人等知悉各照後開條款着實遵守
有者作急改弦無者倍加勉勵倘或怙終不悛
陽遵陰悖本部院耳目最近執法最嚴一有覺
察憲典具在必不爾寬毋貽後悔

計開

一私加火耗屢有嚴禁令訪聞不肖官蠹收
條銀則假稱民等原輕借名傾銷折耗收
糧米則倉夫踢斛淋尖倉役加耗索例雖
勒收多寡不等而錮弊仍未盡除本部院

見在察訪拿問外今後務須盡行禁絕凡
印官徵收錢糧悉照部法官斛不許額外
私加勺合毫釐敢有故違許被害指名首
告以憑立行究治决不姑恕

一浙東夫徭雜差最爲苦累若再差派不公
乾折滋弊則百姓苦上加苦情何以堪以
後除無名不急之務一概不許濫取民夫
外如有關係軍機重大等事印官酌用人
夫務須刻意撙節從公分派以里畝之大

小遠近定夫數之多寡不許豪猾衙役倖
漏脫免偏累細民不許先期提取羈鎖伺
候致妨農業不許經承差役多派少用折
乾肥囊敢有不遵故蹈前弊者或告發或
訪聞官叅役究斷不輕徇至於孤寡老耄
殘疾家無餘丁者應准卹免又遷遣新復
之民應准暫免俟起科之年一體充役俱
毋故違

一舖行承值當官白役民夫工匠本部院屢

經禁飭在案近日

臺省條陳

部議奉

旨尤爲嚴切以後大小各衙門凡係日用食物布帛
柴炭油燭心紅紙劄家伙什物等項務須
平價現銀已貲買用其應用工人匠作夫
役俱要日給工食如有白取白役短價虧
累等事許被害據實首告以憑審實叅治
不貸

一地方積弊種種難以枚舉縷陳如佐貳雜職不許擅受民詞差人拘攝勒索賄賂各衙門不許假借詞訟催糧名色差役下鄉需索差錢飯錢詐擾百姓又如現年糧長止令催收錢糧若有逋欠頑戶應行按名摘比不許刑責糧現其餘地方火盜人命緝逃等事一概不許苛求擾害再如戰船臺寨旣勞民力其取用料物價值卽應動支官銀按數給還不許扣剋折乾致民苦

累至於錢糧官收官解自應一例遵行何獨場竈課銀責之竈戶以致苛索陋規分例困苦不堪其各衙門刑杖竹片原有定例劬兩不許擅用竹根大板及民間詞訟催糧小事不許濫用夾棍拶指久經通飭在案今聞酷虐之官故違禁例意在酷以濟貪以上各條務須盡除積習改過自新敢有仍前恣行不法者許被害人等據實指名赴道府衙門控告審實輕則就便發

文樓
卷五
落重則詳解本部院軍前以憑分別叅拿
處治决不輕宥

誠飭沿海武官

爲誠飭武官恪守職業以固海防事照得瀕海
巖疆全藉將士兵丁宜勞捍禦本部院與爾等
休戚相關同躬一體故凡可以軫恤激勸者未
嘗不盡心經營也惟是設兵所以保境安民而
爲將重在檢身馭下頃據士民條陳及本部院
採訪所及其間克盡職守者固有而驕蹇不法
者亦不乏人除見在甄別勸懲外所有應行申
飭事宜合亟曉諭爲此示仰各標營將領弁兵

人等知悉各照後開條款逐一遵守奉行若事
 之所有作速易轍改絃果事之所無益當加謹
 勉勵本部院矢公矢明執法有素倘致干犯紀
 律應知

國法無私彼時雖欲寬假不可得矣願各凜惕毋
 貽噬臍

計開

一為將之道首重技勇嫻熟紀律嚴明故必
 水陸有各擅之長地方託于城之寄使士

牌我

卒畏我法令而不敢非為使兵民感我恩
 威而衆心悅服斯為盡職諸如剋減兵糧
 冒佔虛伍玩盜殃民耽安逸豫等事皆兵
 律所首嚴亦經本部院節次申飭在案果
 能恪守無愆則年例薦舉軍政考核自不
 靳優異之典如其不然一有訪聞立付白
 簡試看從前叅革過各營將弁殷鑒固不
 遠也

功令最嚴透越本部院前此禁約真不啻三令五申
矣彼奸頑愚民只圖微利不惜身家往往
私將米穀布帛油蔬釘鐵以及違禁貨物
偷販濟賊總由不肖將弁犯法兵丁通同
賣放之故或講定陋規或臨時賄買不但
不能追緝抑且包官護送此等設心藉寇
資盜又與逆賊何異本部院見在密訪俟
得其實蹟立行叅拿正法外爾等當思
朝廷豢養之恩無非爲禦寇安疆起見故不惜俸祿

糧餉委以重任奈何作此昧心行險之事
今後務須盡改前弊畱心詰緝則紀功激
賞定例昭然斷斷不爽倘仍嗜刀頭之蜜
是自干不貰之刑勿謂本部院耳目不廣
希圖徼倖於萬一也

一沿海人民全藉漁利資生前此內港採捕
在所不禁近日展界凡無碍沙塗等處見
在勘議聽候另示步取魚蝦爾汛防官兵
不過稽察透越不許犯禁而已乃聞劣弁

悍兵敢于擅立漁稅名色公然抽取或每月每季苛斂彙收或按船按纜日逐科索不法殊甚上年曾經本部院禁示在案今聞仍不遵依合再嚴禁嗣後民人採捕之處止許稽查奸宄不許妄取漁利敢有弁兵故違禁約及土棍串通箕斂者許被害指名首告定行叅拿追究不貸

一經制官兵額給俸薪馬乾戰守糧餉此

朝廷之金錢小民之膏血也今聞不肖防弁汛兵每

於分防地面恣肆擾民或強買穀草者有之或白取牲畜者有之甚而沿家索取供給以及騙占小廝婦女霸踞行業埠渡等事皆所不免是豈設兵保民之義乎本部院從前屢有禁約不啻諄切今後敢有玩法官兵仍前怙惡不改者許被害指實控告以憑叅拿立正軍法不必詭名投狀碍難施行

曉諭沿海時政

曉諭沿海時政

爲曉諭士民安心樂業事照得本部院巡行沿海一則整飭軍機事宜一則採訪地方利弊今叱馭所過接據士民條陳合以見聞所及除文武官員另行申飭誠諭外所有民間事情亟須諭衆通知者相應給示爲此示仰地方官民諸色人等知悉查照後開各條逐一遵守俱毋故違致辜

朝廷德意有負本部院軫恤至懷其餘利弊應行摘

文機
卷五
異
飭者仍候另示禁約施行

計開

一編立保甲爲安內攘外急務本部院與
撫院

提督會示條例頒布甚明今聞有豪猾土棍及借各營伍之人違禁抗阻者有外籍流寓遷遣等民躲閃規避者又濫用佐貳雜員外委廢職串同胥差白役需索烟居供應陋規冊費等弊均干不法示後務須

遵照前示一體編排責成印官親自查點敢有抗違脫漏生事科索等項情弊印官訪實申詳定行分別叅拿重治不貸

一展界開墾蓋爲原日遷民復還故業也今聞有狡猾奸徒機乘五年起科寬卹糧役之利不肯復歸故土往往貪圖就近佔踞他人產業又有內地租佃人戶舍成熟納糧之地耕新展不科之田以致熟田拋荒編甲閃避而遲歸無力之人多致失業此

昧心悖理之甚矣各諛印官里保逐一清查勸諭務使各歸版圖毋許恃頑梗阻敢有抗違不服者卽繩以法但不得借端刁難生釁致干併究未便

一年前定界之時前部院曾將塗田埠渡之處分與遷民營趁度日今旣展界復業凡遷民已經回籍開墾者應將塗埠退還若有未曾開墾者仍准暫管以資生計俱不得彼此爭執致興訟端各諛印官曉諭司從公剖斷俱毋故違

一荒田不以臺寨爲界是使遷民就地開墾也至於潮塗水際險要須防透越宜杜之處在本部院與提鎮道將自有經營防備爾民俱不必性急混擾統俟查勘定議某處可容採捕作何立法稽查某處不令民去以防偷越奸弊然後頒布曉諭遵照而行本部院念切爲民苟有利於百姓之

事斷無不籌畫妥當猶使爾等有向隅之
嗟也

一內地拋荒民田屯地曾經
撫院奉

旨親行丈勘業已會

題請蠲矣今復有士民投詞呈控或係

部行未及周知或有當日零星遺落各該
縣衛印官查明通加曉諭應蠲豁者速與
豁免應勸墾者勸諭開墾并應諛開除清

補人丁乘此編審之年一體從公審定仍
具文通詳查考不得偏枯致貽民害

一竈籍士民呈控開煎各詞查展界開煎固
屬利民增課之事但當日遷棄地方原經
具

題明白今場竈如何歸復引課如何行銷并竈丁
作何均平清補必須通查酌議方可施行
應向諛管道府司場等官條議妥當通詳
會議定奪

嚴督追捕盜賊

爲督緝盜賊事照得地方盜賊生發疎防之叅
罰甚嚴諱縱之處分倍切無非爲督緝盜賊而
設也乃今日文武各官每遇強劫大盜無不諱
爲竊賊若遇穿窬小偷一概置之不究以致爲
賊爲盜之輩覷破各官心病雖有大盜夥黨器
具亦姑作暗進明出形狀何則欲使文武衙門
寬其追緝萬一敗露且得避重辟而就黥刑也
至於被盜之失主隣佑勉承各官意指雖罹劫

殺慘禍亦姑作竊盜含糊開報何則恐觸犯有司之忌必致刁難苛責失賊又遭官司也不思聚斂止於二三輩身無利器黑夜穿窬人莫知覺者是竊賊也若糾黨五六人以至十人以外器械全備步梯踰垣明火入室罄掠貲囊拒捕傷人而去者是豈竊賊行徑乎各官每遇失事之後只顧辯強竊之是非全不啻盜賊之作何追捕請問縱使是竊非強又豈容不追不緝恣其飽颺乎止爲保全自己功名不惜人家被劫

慘苦流弊至此人亦何憚而不爲賊哉爲今之計無論是竊是強惟有嚴督追捕一法合行專飭爲此牌行通省守巡各道及各總捕官照牌事理卽將所屬新舊已報未報盜賊各案逐一查出備開月日失主地方及承緝兵丁捕快姓名造註手冊一本置之座右嚴立三六九日比較之法除兵丁移會諛管專汛官依法查比外其府廳縣衙門承緝應捕快壯等役諛道廳務須逐案逐名親提到案勒限責比期於全獲真

賊而止蓋各處應捕與盜賊窩線俱爲一氣感
通之人責比嚴則躲閃無法而真賊自出若稍
稍寬緩則積年捕役必畱賊以爲歲時貢獻之
資或養賊以爲扳累平民之計故欲清盜除窩
舍責比捕役之外再無別法也若果捕緝有功
贓真盜確者諛道廳仍酌量激賞以勵將來但
須嚴飭獲盜之日立將人贓一併解赴捕廳印
官衙門審問供招不許捕快私自做索拷打囑
扳無辜及侵換贓物等弊敢有故違俱按新例
治罪不饒此本部院急於弭盜安民之意故不
惜媿媿諄囑萬惟畱心力行於以覘幹材風力
之能否也

緝拿土棍

爲專飭密緝土棍以靖盜源事照得省會八烟稠雜奸宄叢生有等游手好閑不事本業之徒專一結交匪類靡惡不爲諸如放賭拈頭火囤紮詐包告包准夥告夥証誑撞太歲造使假銀捏造誹謗匿名榜帖等事是其平居之生意也次而剪絡白闖拐騙掏摸偷雞弔狗放火打搶白晝邀奪黑夜穿窬等事是其小試之端倪也甚而塗面盤頭踰垣入室明火執械劫財傷人

則其心雖手猾由小而大由微而顯勢有必至者矣問其黨羽大抵掛各營伍投誠窮迫而總以無賴土棍爲奧援也問其結聚大抵深房僻巷冷靜廟宇城內城外無處蔑有而要之窩賭局場爲尤甚也有招攬者有探聽者有應援者平日則量材而用臨時則遇事生風得財則見者有分地方側目而視有司莫之敢櫻以致殷懦人家日不安席夜不安枕將來流禍尚忍言哉本部院訪聞有素今值東巡之後更聞日甚

一日合行專飭密緝以弭亂釁以靖盜源爲此牌行杭守道總捕官照牌事理即便嚴密設法或微行訪察或偵伺鉤舉或發覺於公事審讞之下或巡緝於公出猝遇之時獲其人必窮其黨得其事必絕其根務使贓証的確輿情共快者輕則枷責遊巡以示儆戒重則照依光棍事例招擬解詳正以大法其事涉強竊盜賊者仍按律例審斷施行但不得輕委失人株累良善致負本部院鋤奸本意此檄止行諛道與捕官

二處務須着實畱心以副本部院遠懷屬望回
巡之日仍逐一面陳以規諛道廳之風力也凜
之慎之至囑至切

查議清楨招墾田地

爲查議清楨招墾田畝并飭借端滋擾事照得
沿海展界田畝本部院條議撥給窮民開墾官
給牛種寬限五年之後按畝起科納還種本等
因業奉

俞允見今通檄各屬遵行在案惟是遷棄十年人民
流離之後今漸次招徠授田開墾其中墾過畝
數坵段莫定按冊難稽自當從新更正清楨明
白庶便日後照額徵輸但今遷民雖經復業室

家未定生計無資正在拮据不遑之候倘不肖有司或勒取親供或濫行造冊或委佐貳胥役前往各鄉清丈因而作奸滋弊借端科索嗟此甫集之哀鴻又何堪此無藝之誅求也若不亟爲禁飭流弊將何底止合行查飭爲此牌行藩司及沿海各道府照牌事理卽將復業遷民墾墾田地作何清核稅畝或倣照康熙四年間丈量事宜聽民間自丈開報或將民間報墾數目存案俟稍息二三年之後另行清丈或責成鄉耆里老董理其事並不許借名科派逐一從長酌議妥確務期見在有禪於民生將來無虧於國課具文通詳以憑核奪至於濫委佐貳胥役下鄉需索及溷取冊結任蠹滋擾等弊盡行立法痛革倘陽奉陰違本部院見聞所及定將諛官官特疏糾叅不貸

官制論

論革除

論備案

論備案

論備案

論備案

移留 撫院

為病患日深等事准

貴院咨開再請代

題病辭緣由到本部院准此為照

貴體在調總緣治理謀深如傷念切不憚勞思

過度以致偶爾

違和前准

大各業已備復在案今再接

台移指意諄摯但浙中凋疲已極前此深荷

偉籌其間廉頑立懦之風愛日棠陰之戴
鴻聲久徹於

九重蒼赤望殷於霖雨斷不敢遽爲輕
請以重拂輿情也惟希

節勞釋慮靜養調攝以迓有喜之祥則
貴院始終爲

國愛民而本部院亦獲永邀葭倚之緣矣相應咨
覆爲此合咨

貴院煩請鑒察施行

移詢江南採捕始末

爲咨詢事爲照沿海地方已經奉

旨開展不以臺寨爲界此

聖明念切如傷

覃恩遐播正遷民更生之會也凡屬沿海情形似必
相同一例如浙之邊界延袤二千餘里其間百
姓有負鋤南畝耑務農業者有無田可耕無績
可織更有老幼不能力作種植者必藉魚鹽爲
活沿海子遺在在皆是頃將遷移之民設法招

徠還歸故土漸次開墾而向之藉魚鹽爲活者
曾未獲沾採曬之利是雖經展界而仍有未集
之哀鴻也所幸芳規在望補救有資前聞
貴省督院曾具聽民採捕一疏業荷

俞允所有條陳原本暨議覆

部文并各屬奉行法例以及一切有行案卷統
祈備悉錄示以便遵做舉行則叨附維楫之雅
不淺矣相應咨詢爲此合咨
貴提督煩請查照示覆施行

捐米賑濟饑民

爲曉諭事照得浙省連歲凶荒加以外屬饑民
流移載道

撫院與本部院蒿目傷心先經會疏題

請平糶官米竝設法賑濟已經通行在案今本部院
東巡旋省又值天道亢旱之時窮民更難存濟
合再捐米賑給爲此示仰本處饑民及外省難
民一體知悉今擬於江干報國寺湖墅接待寺
城內貢院佑聖觀二處委官開廠訂定初五日

各居民俱照住處就近赴各廠聽候給發印票
每人一紙卽于初六日仍赴各廠處所伺候驗
票給米以免重冒之弊此給票定日之法誠恐
饑難貧民未及周知不能遍及或致擁擠傷人
守候無度是以如此爾等其各體諒至意其餘
稍有生業食力做活之人苟可存濟不必混冒

停訟緩徵

爲曉諭停訟緩徵以弭天災以甦民困事照得
浙民不造上年旣被水災今歲復遭亢旱此皆
人事之弗飭以致

皇天之降殃本部院拊躬循省痛自刺責見在會同
撫院躬率司道有司各官齋戒虔禱冀得祈求
感應大沛甘霖但目前民困已極人心皇皇合
行停訟緩徵以示休息爲此示仰所屬官吏士
民人等知悉凡各衙門承問訟案除立限

欽案與真正強盜人命逃入事情仍行審理務期寬
刑速結外其餘各項詞訟無論承奉自理一概
停止不許差役追呼俟雨足之日各該管官造
冊呈送原批衙門分別輕重註銷至于一應里
甲錢糧各印官暫行緩徵亦俟雨足照常催比
在百姓各有良心斷不因目下恤民緩比致將
來逋負不完貽累考成也其各體諒至懷俱勿
故違自取罪戾

勸諭慎防火燭

爲勸諭慎防火燭事照得天時亢賜祈禱弗應
省會爲五方雜處人烟輳集之區近日兩遇火
災沿燒甚慘地方官民俱當十分慎防以弭災
變誠恐饑饉不逞之徒希圖搶奪故意放火或
人家一時失於檢點撲救不及是不可不遠慮
綢繆也合行曉諭爲此示仰地方官民諸色人等
知悉務須小心謹慎時刻備防免致烽烟不測
之事各該總甲巡捕人役尤須不時稽察倘有

奸徒放火害人者立刻擒拿解送有司衙門審
實轉解以憑重處此係本部院消患於未形之
意願各體諒毋忽

申飭夜巡保甲

爲申嚴夜巡保甲務必靖盜安民事照得保甲
乃平日弭盜之法夜巡乃臨時緝盜之事也本
部院蒞浙以來三令五申不啻嚴切頃聞省城
內外常有強竊盜賊不時生發除現行嚴查失
事的確者會疏

題叅又訪聞盜窩盜線勾引無忌亦現在設法擒
拿外所有保甲夜巡之令誠恐法久玩生合再
嚴切示諭爲此示仰城守將弁府縣印巡等官

及兵捕保甲人等知悉查照後開各款逐一遵守着實奉行務使盜息民安而止慎勿故違有辜本部院弭盜之意自取罪戾未便

計開

一嚴行保甲設立牌面等項規則先經本部院通飭各衙門現在奉行茲不多贅惟是隣佑保甲連坐之法不可不嚴蓋比屋而居之人其平日行止邪正與交遊往來踪跡斷難瞞隣佑之耳目如或容畱異類夜

聚曉散不務恒業飲博呼盧等項則其人必係不軌之徒各諷隣佑保甲遇有此等之人聯居里內務須不時稽察訪有爲非實跡卽着左右四隣會同保甲公首報官以憑拿究但不得挾仇妄害致于反坐之罪嗣後如有拿獲盜賊窩家在于本里而四隣保甲未及舉首者非係畏憚容隱卽屬通同故縱定將本犯四隣保甲一體拿究輕則枷責重則連坐以罪斷不姑貸不

論士著僑寓勢豪營兵投誠人等務須一體稽察慎勿故違取咎

一地方失盜報官追緝條例最嚴若有隱匿不報諱強爲竊等弊官役分別叅究本部院申飭之文真不啻舌敝穎禿矣無奈文武各官只顧自己功名不啻民生痛苦凡遇士民失盜報官者或拘拿家屬或刑責隣佑威勢箝制以大盜而改爲竊賊者有之以焚殺而改爲報仇者有之至於減報

盜夥贓數假捏暗進明出竊盜拒捕白晝搶奪等項種種陋習難以枚舉若真係穿窬竟置之不聞不見矣以致盜賊不緝不究奸宄窺破弊端日甚一日彼失主失賊遭官吞聲飲恨無可告訴怨氣衝天安知今日之亢暘不雨非天怒人怨有以致之乎各官清夜自思溺職殃民之罪何以自解嗣後如遇地方失盜不論是強是竊近者失主於次日報官遠者於三日內報官

若係大盜仰城守將官會同總捕印官二
面立差兵捕分投追緝一面具文通報若
係竊盜仰總捕官及該縣印捕官立差坐
坊應捕追緝俱要五日一次比較務必全
獲真正賊盜而止如有威勒失主妄拿家
屬隣佑諱匿故縱等弊許被害據實指名
赴本部院轅門抱牌呈告以便立時傳訊
得實定將諱匿不職之官先拿後叅兵捕
人等嚴拿處死决不輕宥

一省城地方遼濶邇來夜巡不過虛應故事
須立分汛責成之法方有實濟仰城守副
將會同杭州知府查明省城內外各處地
方凡府佐縣正首領雜職各文官城守水
師營各武官逐一議定汛地分投巡緝以
便猝遇盜賊立時擒拿如有本處失盜分
汛之官役不能當時擒獲者事發之日本
官分別議處隨行兵捕快壯等役提拿責
究不貸限卽日具詳通報以憑批奪至于

督標將弁兵丁本部院不時差遣遊巡本部院亦擬躬親巡察若所到之處遇有諛汎官兵偷安息玩者分別記過處治俱勿玩視取究

一夜禁之法行之不善往往徒累民間無濟實事今本部院酌定每夜起更時候仍在清泰門處所放靜更砲三聲着城守營兵目專司其事此砲響後各柵欄卽上鎖鑰凡士民人家往來宴集者旣盡竟日之歡

可免長夜之飲卽有正務不妨次日再辦此杜絕奸宄之法不得不然至於各衙門比較錢糧審理詞訟亦俱於上燈時停止以便衙役人犯各自回歸其有民間急病延醫分娩收生婚喪等項萬不得已之事俱執一家牌驗明開柵放行間有衙門公務行走者本衙門堂上官預備印信燈籠數盞臨時給發驗明開柵放行次早卽繳其餘一概不許無故闖柵行走如有故違

夜深妄行者夜巡官卽時執拿次早送有
司衙門審訊發落至於夜巡之官係文職
衙門各堂上官備印信高燈二架武職衙
門執印信令箭二枝爲據以杜詐僞之弊
守柵人役俱於柵邊歇宿以便查驗啓閉
其目前夏間乘涼之人各在本家門首秋
冬工作人家在於門內夜間做活者夜巡
官役不許生事擾害如違究處不貸

驅逐遊手棍徒

爲驅逐遊手好閒之徒以消奸宄事照得時當
荒旱盜心易萌近日風聞省城內外多有強竊
盜賊不時生發除另行申飭保甲設法夜巡并
勤限督緝奸宄務期靖盜安民外但有一種異
籍遊手之徒潛居會城往往於市井闐闐之處
耍拳舞棒使弄星鎚又或戲法走索集衆說書
等項種種不一此輩旣係流寓又無恒業安知
不乘人烟輳集之時謀結黨爲非之事乎今日

欲靖盜源此其一端也合行嚴禁爲此示仰府縣印巡等官及地方里保總甲人等知悉凡有前項異籍遊手之人在於里內投歇寄居者定限三日內盡行驅逐不許容留自示之後本部院差員巡查如有此輩仍前在於街市耍拳使鎚等類者定行鎖拿將本犯重責枷號仍究容隱之家一體治罪各地方官尤須加意緝逐不得疎忽尤不許縱容衙役借名挨查需索士民人等銀錢酒食如違一併叅拿重治不恕

曉諭攀留

撫院士民

爲曉諭事照得

撫院范

簡注宸衷保釐浙土拯饑援溺念時切于痼瘵治劇理繁心實勞於吐握蓋因鞠躬政事遂致偶爾違和頃准三次咨文意欲代

題請告俱經本部院寬慰婉留并再四面言諄勸矣今據闔屬鄉紳舉貢衿民公詞具控前來本部院披讀之下歌功頌德無非扳轅臥轍之情

纍牘連篇盡是雪涕披肝之語
天聽卽民聽本部院何敢拂輿論以賣
陳謀國如謀身在

撫院自必勉珍調而竟績合行曉諭用慰衆心
爲此示仰地方士民人等知悉俱各安心樂業
不必憂徨疑慮致厯

撫院與本部院軫念至懷

又移畱 撫院

爲病患日深精力已憊懇請代

題亟推賢能以無誤封疆事准

貴院咨開三請病辭代

題緣由到本部院准此爲照

貴院拯饑援溺念時切於痾瘵况復治劇理繁
神更勞于案牘旣鞠躬以謀

國致

玉體之需調本部院三捧

大咨憂惶靡措竊以

九重之倚注方殷萬姓之來蘇正切縱興思

高尚其如蒼生何哉矧

功著保釐知必幡然改也雖本部院人微言輕

不足以仰達

台聽但刺下鄉紳舉貢矜民人等歌勳頌

德無非扳轅臥轍之詞累牘連篇盡是雪涕披

肝之語

天聽卽民聽本部院何敢拂輿論以瀆

陳壽

國以壽身祈

貴院不憚勉珍調而竟績除出示安慰士民外

惟希釋慮葆和

允收成命上以副

朝廷簡畀之隆下以答億兆瞻依之望地方幸甚士

民幸甚至本部院諗深維楫奉

矜式而協寅恭嘉賴尤非淺鮮矣合再瀝情備

覆爲此合咨

貴院煩請鑒察俯俞施行

九... 命士以... 貴院士民

再諭攀留 撫院士民

為再行曉諭事照得

撫院范 勞心民瘼偶爾違和先經三次移文
本部院代

題請告隨即回咨婉留又屢次面言勸慰并大張
告示曉諭爾等士民一體知悉矣近者復據遠
近士庶投控板轅之詞殆無虛日喧闐呼籲累
萬盈千且聞有罷市廢業之事此雖爾等迫切
至情不能自已但本部院諒切寅恭志同道合

方將勉力共事報

朝廷以安百姓斷不敢私僚友之交情忍名賢之去位誠恐爾民未必周知仍前徨惑則是傷

撫院之心益本部院之過甚非爾等愛戴之初意矣合再曉諭以慰輿情爲此示仰闔屬地方士民人等知悉俱各照常樂業不必驚徨在撫院視民如傷業已俯徇所請在本部院痾瘵一體決不冒勉代

題各宜體諒勿負至懷

又移留 撫院

爲病患日深精力已憊懇請代

題亟推賢能以無誤封疆事准

貴院四次咨請病辭代

題緣由到本部院准此爲照

貴院弘才碩德原簡注於

宸衷厚澤深仁久淪濡於士庶惟因

賢勞過度以致

珍體在調前准三次

大咨詞指恇切本部院敢不仰體

台意惟是浙中待理尚殷輿情依戀彌篤比日
以來紳袍士民之呼籲扳轅者紙近百張人幾
萬數皇皇然不啻嬰菟之去怙恃此益感出至
情行猶直道豈一二人阿好哉且無論

貴院因勞偶恙稍加靜調旋當勿藥本部院不
敢率爾瀆

陳卽恐重違

尊指冒勉上疏而

聖俞斷不能邀士民迫不容去是本部院不體

廟謀不愜輿志將何以自處也况本部院庸才迂性
溷濫吹竽兩年以往凡百政務全藉

楷模提挈之功得緩脫輓僨轅之罪而素餐伴
食衆論攸同此非飾詞亦非謙詞也目前旱魃
示警黎庶憂徨正藉

弘猷大施匡濟若本部院甘徇僚友之交情忍
聽

名賢之高尚則

朝野輿論將以此舉爲何居乎而天下後世將以本部院爲何如人乎所以跼蹐逡巡寧違

尊指而義不敢出此耳言盡於斯決難遵

命除又大張告示曉諭士民安心樂業外仰惟貴院上念

朝廷倚任之重下慰士民迫切之情釋慮凝神勉加珍攝則

吉人自膺天相而民聽自合天心立奏霍然之效克終康濟之猷

國家幸甚地方幸甚本部院幸甚今准前因合再移覆爲此合咨

貴院請煩鑒察施行

誠諭修省

爲誠諭修省以弭天災事照得浙省上年重罹
水災今歲復遭旱魃四民有室罄之嗟三農興
懸耒之嘆本部院蒿目焦心補採鮮術前已躬
率所屬步行祈禱幸獲甘霖稍施將謂秋成有
望不意雨未經旬仍然杲杲揆厥

天心之示儆實緣人事之不修本部院拊衷思省必
係庭有冤民獄多幽滯利有未興害有未除以
故災患頻仍祈求罔應所屬大小各官可不猛

然警惕歟合行通飭爲此牌行各司道府照牌
事理即便通行所屬凡有兩地方卽鼓勵農民
及時耕耨無兩地方督率士民虔誠求禱一面
勸諭車水救濟仍誠諭各官力圖修省諸如職
業不修苞苴是問民情罔顧敲朴頻施或盜起
而不能弭或蠹橫而不知覺以及濫准詞訟淹
禁無辜有一於此均干

怒惟願大小僚屬滌慮洗心共修厥職務期上格
弓下安黎庶勿負本部院諄諄告誡至意

整頓沿海陸師

爲密飭整頓沿海陸師官兵以備調度事照得
寧台溫三路水師船隻業已配兵操練擬于秋
汛出洋巡剿海孽惟俟各鎮報齊之日卽可訂
期出師但水師官兵船隻一出餘孽不無四散
奔潰則沿海陸路汛守堵禦聲援不可不備若
止以原派汛守之兵防剿恐兵力單弱難以兼
顧應將各鎮營存城官兵責成諛管將弁至期
偵探親帶堵禦方免逆賊竄入內地之虞是在

汎在城官兵俱當操練整頓以便調遣合行密飭爲此照會各鎮查照照會事理即便轉行所轄各將遵照務將諛營官兵馬匹無論存城在汎責令各諛將弁收拾器械飼秣馬匹上緊操練俟水師官兵出洋之時聽候另示調度如官兵操演不熟盔甲器械收拾不精馬匹飼喂不壯以及虛冒佔役臨期以老弱充數者本部院委官驗視得實定將諛管將弁以藐玩軍機從重糾叅決不姑貸

訪拿指詐奸棍

爲訪拿奸棍假印指詐以肅法紀事照得好棍指詐律例首嚴僞造假印尤干重典近有愍不喪死之徒誑騙計窮變幻叠出描摸印信做套批呈愚民之受其挾騙者不知凡幾頃據仁和縣獲解假印大棍褚葵駕窩外方遊棍沈太階等以鄒伯鯤假扮遊宦因有張瑞訐訟指稱關說捏造批呈印信宛然曹國昌等知情密首人贓現獲本部院當堂嚴訊之下棍等直供印屬

描摸詐騙已無遁情除經重責押發按察司嚴
究招解外惟是鬼蜮之徒何地無之揆其狼狽
夤緣遊棍非串同地棍不足肆其奸地棍非假
藉遊棍不能行其詐此輩相需表裏遂無不可
爲之事今省城重地尚有此魍魎晝行若各府
鞭長莫及者不特愚民被其詐欺恐官役亦受
其愚弄矣若不力行訪拿流害將何底止爲此
牌行通省各道府照牌事理即便轉行所屬大
張告示曉諭竝嚴責緝捕人等如有前項棍徒

在於該地方指稱遊宦關說事情假雕印信捏
造牌票告示批呈等項指騙愚民者即便密訪
的實立將奸棍及朋謀與受之人一併嚴拿究
解以憑審實按律重治若有外來之人不務生
業交結匪類行止不端者立刻查明驅逐不許
潛住地方如地方官查飭不力或瞻徇容隱不
行拿解者別有發覺定行一併叅處決不姑貸
仍具遵依繳查毋違

飭催編審

爲飭催編審以重賦役事照得編審一事關係民生十年休戚是以本部院先經屢次申飭務必均平又據藩司詳議及府縣紳士條陳俱經批行在案今時已秋仲轉盼新年卽要輪流充役而各屬曾無一處報竣者將來事急期迫草率結局勢所必至竊以兩浙賦重役繁民困已極况編審事宜一府有各縣之不同一縣又有各都畝坊里之不同其間因革損益全在縣官

留心民瘼執法秉公自無偏歆不均之嘆所謂
有治人無治法原不必比而同之也如均田均
里嚴詭寄禁花分飭飛灑除隱漏不許造冊里
書作弊不許科派使費陋規此一定不易之理
也若夫紳衿自運按糧起丁按人納丁與夫增
田減里落甲催徵等項本部院原行悉從民便
有宜于今而不宜于昔者改之有便于仍舊而
不便于紛更者因之總期役無偏枯丁無虛捏
輿情允愜徵輸稱便而止誠恐各印官碍於條

款觀望耽延合再通行催飭爲此牌行藩司各
道府照牌事理即便轉行各諛州縣印官備照
督撫藩司屢次申飭事宜立將所屬里役作速
秉公編定其間有一定不易法當遵奉者俱要
着實力行或有時地異宜大同小異之處不妨
酌議變通一面上緊料理一面將理合通變情
由明白通申以備查考不必往返候示徒滋耽
閣本部院惟有專責縣官一法若今年編審諛
邑賦役均平民無異議定將本官記功獎薦倘

或昧于事理任性偏執聽憑衙役里蠹冊書叢
奸滋弊又或偏徇豪右劣矜情面苦累細民以
及假借紙張使費名色苛派里甲肥私入己者
一有告發訪聞立行飛章叅拿斷不輕恕至於
紳衿百姓人等俱當及時交收過割從公編認
不得觀望延捱妄生異議如有實應調劑之處
不妨及早條陳以憑酌奪如印官原係秉公而
豪劣奸徒阻撓執法希圖利己損人者許印官
據實指名申揭以憑拿問重治仍行令大書告
示通加曉諭定限九月審完十月定冊通竣均
毋遲違自取咎讐各具遵依繳查

申飭實勘災傷

爲嚴飭勘災以甦民困事照得兩浙旱魃爲殃
黎民困苦已極本部院蒿目傷心挽拯無策除
經給示停訟緩徵見將地方受災情形會同

撫院繕疏上

聞外其一切請蠲請賑及改折漕糧官糴平糶各項
救荒事宜俱當諄懇剴切一一奏

請惟是踏勘受災分數全在府縣印官實心力行庶
于百姓有益無害往聞不肖有司膜視民艱縱

役滋弊或輕委佐貳卑員苟且塞責或任憑里書衙蠹科派生奸使里民未受蠲折賑恤之惠先罹供應冊費之苦如水益深如火益熱深可痛恨合亟通行嚴飭爲此示仰闔屬官民諸色人等知悉今年查勘災傷本部院俱已行令各府印官躬親踏勘并申飭減帶隨從自備供給所到之處勘實受災分數卽取縣官冊結勒限速行不許騷擾里民一草一木如有府縣衙役及里蠹冊書人等指稱科派供應及造冊紙張

做荒使費等項名色者許被害里民據實指名開列贓蹟徑赴本部院轅門抱牌首告以憑審實真情將貪官犯人立行拿問叅處按法追擬斷不姑貸至於災傷各里俱各靜候蠲恤之文斷不使爾等流離困苦特示

再飭城門官兵

為嚴飭城門禁約以肅法紀以便行人事照得
省會城門分設官兵防守不過晨昏司掌啓閉
出入稽查奸宄而已乃有悍劣兵目假公濟私
恣橫不法如進出之肩挑負販凡屬蔬菓柴炭
魚肉牲口等項無一不行抽取士民出城祭掃
榼柵等物無一不行攫奪甚之商客鄉民行李
與民間出殯喪棺俱要索取銀錢方纔任放行
走最可恨者婦女肩輿往來一概勒令掀簾露

面稍或遲延或棒毆轎夫或公然攔阻以致男婦士民靡不怨讟咨嗟莫可告訴似此借防守之名行暴橫之事犯法害人殊干法紀合行嚴禁爲此示仰城守官兵及過往諸色人等知悉嗣後經紀小民擔負各項什物與夫民間祭品行李喪棺等類一概任憑出入行走不許抽搶阻截詐索銀錢其婦女肩輿俱聽照常垂簾進出敢有悍劣兵目仍前恣橫如前所指諸事及強勒肩輿掀簾打罵攔阻者除不時差員巡視

如有違犯立行拿究外仍許被害之人認定某門兵目將違禁不法事情徑赴公衙門及兩院衙門或地方官處指實陳告以憑查明差人綁拿恣橫兵丁分別旗兵鞭責枷號綠旗軍法重處決不輕貸其餘若有果係奸宄逃人行踪詭秘之徒各官兵仍應小心防範毋得疎忽

貴院移復撫院具題秋審重囚
為恭請酌定

朝審秋審分別之例等事准

貴院咨開秋審屆期本院以臥病不克叨陪淑
問仍請貴部院示期主讞挈銜會

題等因到本部院准此為照秋審一事兩承

台命敢不祇遵但會典開載處決重囚巡按職
掌自按院衙門裁撤之後案卷俱歸

貴院衙門兼理是以歷來總督雖預會審之列

而具咨四兼聖以望來辦計擬所會審之
題皆係過到衙門然端之送案卷冊
撫院爲政也今旣會典開辦恐失重因必
貴體在調本部院不敢以公務膠執或
令臬司再詳定期審錄一面仍請

貴院繕疏

題明庶于職掌定例兩無礙耳今准前因合就移
覆爲此合咨

貴院請煩裁察施行

勸諭息訟

爲勸諭息訟以安民業以端風俗事照得訟簡
刑清乃居官之善政息爭樂業爲守分之良民
本部院先經屢次誠諭已不啻三令五申矣卽
前頒禁約每月止于初二日放告一次亦是省
訟安民之意不料士民未及周知今十六日復
行紛紛投控在本部院不欲固拂輿情是以姑
准暫收乃披閱之際多係戶婚田土錢債鬪毆
貿易行業等項有司衙門可以結正之事爾等

獨不思越訴有禁若民間鼠牙雀角亦要總督
審斷則

朝廷設此監司守令等官果何爲乎又有見在批審
與已經斷結之事投催投訴告併告提不一而
足匪特事理多乖抑亦無此憲體至于逞臆說
以條陳干非分之恩澤以及匿名詭名之類益
見風俗澆漓之大概矣除應准各詞分別批發
存案另示曉諭外爲此再示呈狀諸色人等知
悉嗣後爾等果有大寃大抑下司不能申雪之

事准於每月初二日赴本部院轅門投控一次
以憑裁奪准理其十六日不必再來混擾其餘
細微小故當此年荒窘迫之時可忍則忍之如
不能忍或向親友調停或赴有司告理俱不得
妄行越訴如或裝誣廣告本部院斷不准行徒
然費壞紙筆爲訟師作生計耳設或誑准日後
反坐治罪决不輕饒自示之後商賈農工遠近
各安生業誠淫邪起膚慙總不相干此本部院
一片恤民至意願各體諒勿認爲過耳常譚也

